



კანონთა და განკარგულებათა კრებული

ამიერკავკასიის სოციალისტური ფედერაციული საბჭოთა რესპუბლიკის
მუშათა და გლეხთა მთავრობისა.

1928 წლის დეკემბრის 30.	№ 22 განყოფილება პირველი	ა/კსფსრ სახალ. კომისართა საბჭოს საქმეთა მმართვე- ლობის მიერ გამოცემული.
----------------------------	-----------------------------	---

შ ი ნ ა ა რ ს ი:

- მუხ. 253. პროფესიონალური განათლების საგზაო განყოფილებასთან არსებული ტექნიკუმის კურსდამთავრებულ პირთათვის ამიერკავკასიის რკინის გზებზე სამსახურის სავალდებულო ვადის დაწესების შესახებ.
- „ 254. საგადასახადო კომისიების შედგენილობის შესახებ.
- „ 255. სამხედრო და საზღვაო საქმეთა სახალხო კომისარიატის ორგანოებისათვის მიკუთვნებული საცხოვრებელი სახლებიდან ადმინისტრაციული წესით გამოსახლების შესახებ.
- „ 256. უქმე-დღევებისა და დასვენების განსაკუთრებული დღეების შესახებ.
- „ 257. შრომის კანონთა კოდექსის 47 მუხლის „გ“ და „დ“ პუნქტების მიხედვით დათხოვნის შესახებ.
- „ 258. ტფილისის საქალაქო საბჭოს კომუნალური სექციისათვის პრემიის მიცემის შესახებ.
- „ 259. ა/კსფსრ-ში კოოპერაციისათვის გრძელვადიანი კრედიტის მისაცემად არსებული ფონდების დებულების შეცვლის შესახებ.
- „ 260. ა/კ. ცენ. აღმ. კ-ტის მიერ „ადგილობრივ საჭიროებათა დაკმაყოფილების სფეროში გლეხთა მოსახლეობის უფლებების თაობაზე“ 1927 წ. იანვრის 31-ს თარიღით გამოცემული დადგენილების გაუქმების შესახებ.
- „ 261. ა/კსფსრ ტერიტორიაზე 1928-29 საშენაწერო წელს წყლის გამოსაღების დაწესების შესახებ.
- „ 262. ა. მ. ნაზარეთიანისათვის ა/კ. სახალხო კომისართა საბჭოს თავმჯდომარის მოადგილის მოვალეობის აღსრულების დაკისრების შესახებ.
- „ 263. ა/კსფსრ შრომის სახალხო კომისარიატის მიერ „ანგარიშგასწორების წიგნაკების თაობაზე“ 1924 წ. ივლისის 23-ს თარიღითა და 107 №-ით გამოცემული დადგენილების მე-6 მუხლის გაუქმების შესახებ.
- „ 264. ა/კსფსრ ადგილობრივი ფინანსების დებულების შეცვლის შესახებ.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

253. პროფესიონალური განათლების საგზაო განყოფილებასთან არსებული ტექნიკუმის კურსდამთავრებულ პირთათვის ამიერკავკასიის რკინის გზებზე სამსახურის სავალდებულო ვადის დაწესების შესახებ.

ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

1. დაწესებულ იქნეს ა/კ. რკინის გზების პროფესიონალური განათლების საგზაო განყოფილებასთან არსებული სარკინისგზო ტექნიკუმისა და პროფესიონალური კურსების კურსდამთავრებულ პირთათვის ა/კ. რკინის გზებზე სამსახურის სავალდებულო ვადა.

2. იმ პირთათვის, ვინც სტიპენდიას იღებდა ან რკინის გზის სამსახურიდან მივლნიებული იყო ტექნიკუმში თუ პროფესიონალურ კურსებზე, სამუშაო ხელფასის სრულად ან ნაწილობრივ შენარჩუნებით, სარკინისგზო ტრანსპორტზე სამსახურის ვადა, ტექნიკუმისა თუ პროფესიონალური კურსების დამთავრების შემდეგ, განისაზღვროს ისეთი ხანგრძლიობით, რაც უდრის იმ ხანს, რომლის განმავლობაშიაც მივლინებული პირი ტექნიკუმში თუ პროფესიონალურ კურსებზე იმყოფებოდა, ხოლო სტიპენდიატი სტიპენდიას იღებდა.

იმ პირთათვის, ვინც უსასყიდლოდ სწავლობდა, ერთი წლის უსასყიდლო სწავლისათვის დაწესებულ იქნეს ნახევარწლის სავალდებულო სამსახური. ამასთანავე, სტაჟირობაზე გატარებული დრო არც სწავლაში ჩაითვლება, არც სამსახურში.

3. სავალდებულო სამსახურის ვადის მომხდელ პირს რკინის გზის ადმინისტრაცია მისცემს თანამდებობას ამ პირის მიერ მიღებული კვალიფიკაციის მიხედვით; ამასთანავე, უკეთუ, ერთი თვის განმავლობაში კურსის დამთავრებისა და სტაჟის გავლის შემდეგ, აღნიშნულ პირს თანამდებობა არ მიეცა, იგი განთავისუფლდება სავალდებულო სამსახურისაგან.

4. ის, ვინც მთლად თავს აარიდებს სავალდებულო სამსახურს ამა დადგენილებით დაწესებულ ვადაზე ან სრულად არ მოიხდის სამსახურის ვადას, მოვალეა აუნაზღაუროს რკინის გზას მასზე გაწეული ხარჯი როგორც ჯამაგირისა თუ სტიპენდიის მიცემით, ისე სწავლების საშუალო ღირებულების მიხედვით იმ პერიოდის განმავლობაში, როდესაც იგი ჯამაგირს თუ სტიპენდიას იღებდა, ხოლო იმ დროის გამოკლებით, რაც მან რკინის გზას სამსახურით აუნაზღაურა.

5. უფლება მიეცეს გზათა სახალხო კომისარიატის რწმუნებულს ა/კსფსრ-ში, ა/კ. შრომის სახალხო კომისარიატთან და ამიერკავკასიის პროფესიონალურ კავშირთა საბჭოსთან შეთანხმებით, გამოსცეს დაწვრილებითი ინსტრუქცია ამა დადგენილების განსავითარებლად და დასამატებლად.

6. ამა დადგენილების მოქმედება გავრცელებულ იქნეს ყველა იმ პირზე, ვინც დაამთავრა ტექნიკური და პროფესიონალური კურსები, დაწყებული 1928-29 სასწავლო წლიდან.

ამიერკავკასიის ცენტრალური აღმასრულებელი
კომიტეტის თავმჯდომარე მ. ცხაკაია.

ა/კსფსრ სახალხო კომისართა საბჭოს
თავმჯდომარის მოადგილე ს. ამბარცუშიანი.

ამიერკავკასიის ცენტრალური აღმასრულებელი
კომიტეტის მდივანი ს. იაკუბოვი.

1928 წ. ნოემბრის 19. ტფილისი-სახალხო.

გამოქვეყნებულია „ზარია ვოსტოკა“-ს 291 №-ში 1928 წ. დეკემბრის 18-ს.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

254. საგადასახადო კომისიების შედგენილობის შესახებ.

სსრკ-ის ცენტრალური აღმასრულებელი კომიტეტისა და სახალხო კომისართა საბჭოს მიერ „საგადასახადო კომისიების დებულების სამოქმედოდ შემოღების შესახებ“ 1928 წ. მაისის 9-ს თარიღით გამოცემული დადგენილებისა და თვით „საგადასახადო კომისიების დებულების“ თანახმად (სსრკ კან. კრ. 1928 წ. 29 №-რი, მუხ. 261 და 262)—ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

1. სარეწავი და საშემოსავლო გადასახადებისა, ზედმეტი მოგების გადასახადისა და საღერბო გამოსაღების გამო აღძრული საქმეების გადასაწყვეტად დაწესებულ იქნეს საგადასახადო კომისიების შემდეგი შედგენილობა:

საუბნო საგადასახადო კომისია.

1. საუბნო საგადასახადო კომისიაში წევრებად შედიან: ადგილობრივი აღმასრულებელი კომიტეტის ორი წარმომადგენელი, შინა-ვაჭრობის მომწესრიგებელი ადგილობრივი ორგანოს ერთი წარმომადგენელი, სადაც ასეთი ორგანო არსებობს, და სარეწავი და საშემოსავლო გადასახადების გადამხდელთა ორ-ორი წარმომადგენელი.

2. გადამხდელთა წარმომადგენლებს დანიშნავს სამაზრო აღმასრულებელი კომიტეტი (ან მისი შესაფერი ორგანო) სამაზრო საფინანსო განყოფილების (ან მისი შესაფერი ორგანოს) წარდგენით:

ა) სარეწავი გადასახადისათვის: ერთს იმ კანდიდათა რიცხვიდან, რომელთაც დასახალხოებენ კოოპერატიული ორგანიზაციები, მეორეს—კერძო მოვაჭრეთა

რიცხვიდან—საბირჟო ან საბაზრო კომიტეტის კანდიდატთა სიის მიხედვით, ხოლო იქ, სადაც ეს კომიტეტები არ არსებობს, პირდაპირი გადასახადების ინსპექტორის მიერ შედგენილი სიის მიხედვით;

ბ) საშემოსავლო გადასახადისათვის: ერთს—კერძო მოვაჭრეთა რიცხვიდან საბირჟო ან საბაზრო კომიტეტის მიერ შედგენილი კანდიდატთა სიის მიხედვით, ხოლო იქ, სადაც ეს კომიტეტები არ არსებობს,—პირდაპირი გადასახადების ინსპექტორის მიერ შედგენილი სიის მიხედვით, მეორეს—იმ გადამხდელთა რიცხვიდან, რომელნიც იბეგრებიან საშემოსავლო გადასახადის განაკვეთთა მე-2 №-ის განაწილებით,—პირდაპირი გადასახადების ინსპექტორის მიერ შედგენილი კანდიდატთა სიის მიხედვით.

კოოპერატიული ორგანიზაციების საშემოსავლო გადასახადის გამომანგარიშების თაობაზე აღძრულ საქმეთა განხილვაში, გადამხდელთა ზემოაღნიშნული წარმომადგენლების ნაცვლად, მონაწილეობას მიიღებს კოოპერაციის ორი წარმომადგენელი, რომელნიც დანიშნულ იქნებიან კოოპერატიული ორგანიზაციების მიერ შედგენილ კანდიდატთა სიის მიხედვით.

განსაკუთრებული საგადასახადო კომისია.

3. განსაკუთრებულ საგადასახადო კომისიაში წევრებად შედიან: ადგილობრივი საქალაქო საბჭოს (ავტონომიურ რესპუბლიკებში—იქ, სადაც საქალაქო საბჭო არ არსებობს,—სათანადო ავტონომიური რესპუბლიკის სახალხო კომისართა საბჭოს), შინა-ვაჭრობის მომწესრიგებელი რესპუბლიკანური ორგანოს, რესპუბლიკანური სახალხო მეურნეობის უმაღლესი საბჭოს თითო წარმომადგენელი, სათანადო უბნის პირდაპირი გადასახადების ინსპექტორი და გადამხდელთა სამი წარმომადგენელი.

4. გადამხდელთა წარმომადგენელნი დაინიშნებიან: ერთი ადგილობრივი კოოპერატიული კავშირებისაგან, მათი ურთიერთი შეთანხმებით, ხოლო დანარჩენი ორი—სათანადო რესპუბლიკის სახალხო კომისართა საბჭოს მიერ, ფინანსთა სახალხო კომისარიატის წარდგენით (ავტონომიურ რესპუბლიკაში—ფინანსთა სახალხო კომისარიატის რწმუნებულის წარდგენით); ამასთანავე, ერთი—სახელმწიფო საწარმოთაგან—სახალხო მეურნეობის უმაღლესი საბჭოს მიერ შედგენილი კანდიდატთა სიის მიხედვით და მეორე—აურიდიული პირებისაგან—საბირჟო კომიტეტის მიერ შედგენილი კანდიდატთა სიის მიხედვით, ხოლო იქ, სადაც საბირჟო კომიტეტი არ არსებობს, ფინანსთა სახალხო კომისარიატის (ავტონომიურ რესპუბლიკაში—ფინანსთა სახალხო კომისარიატის რწმუნებულის) მიერ შედგენილი კანდიდატთა სიის მიხედვით.

სამაზრო საგადასახადო კომისია.

5. სამაზრო საგადასახადო კომისიაში წევრებად შედიან: სამაზრო აღმასრულებელი კომიტეტის ორი წარმომადგენელი, საფინანსო განყოფილების გამგე ან ამავე განყოფილების საგადასახადო ქვეგანყოფილების გამგე, შინა-ვაჭრობის მომწესრიგებელი ადგილობრივი ორგანოს წარმომადგენელი, სადაც ეს ორგანო არსებობს, და სარეწავი და საშემოსავლო გადასახადების გადამხდელთა

ორ-ორი წარმომადგენელი, რომელთაც დანიშნავს სამაზრო აღმასრულებელი კომიტეტი—სამაზრო საფინანსო განყოფილების წარდგენით ამა დადგენილების მე-2 მუხ. წესისამებრ.

რესპუბლიკანური საგადასახადო კომისია.

6. რესპუბლიკანურ საგადასახადო კომისიაში წევრებად შედიან: სათანადო რესპუბლიკის სახალხო კომისართა საბჭოს წარმომადგენელი, ფინანსთა სახალხო კომისარიატის საგადასახადო სამმართველოს უფროსი (ავტონომიურ რესპუბლიკაში—ფინანსთა სახალხო კომისარიატის რწმუნებულის საგადასახადო ქვეგანყოფილების გამგე), შინა-ვაჭრობის მომწესრიგებელი ორგანოს ერთი წარმომადგენელი და სარეწავეი და საშემოსავლო გადასახადების გადამხდელთა თვითეთული კატეგორიის ორ-ორი წარმომადგენელი (სახელმწიფო საწარმოთა, კოოპერატიულ ორგანიზაციათა და კერძო პირთაგან), რომელთა შორის სახელმწიფო საწარმოთა და კოოპერატიულ ორგანიზაციათა წარმომადგენელნი დაინიშნებიან ამა დადგენილების მე-4 მუხ. წესისამებრ, ხოლო კერძო პირთა წარმომადგენელთ დანიშნავს სათანადო რესპუბლიკის სახალხო კომისართა საბჭო საბირჟო კომიტეტის მიერ,—ხოლო იქ, სადაც ეს კომიტეტი არ არსებობს—ფინანსთა სახალხო კომისარიატის მიერ (ავტონომიურ რესპუბლიკაში—ფინანსთა სახალხო კომისარიატის რწმუნებულის მიერ),—შედგენილი კანდიდატთა სიის შიხედვით.

II. ამა დადგენილებაში აღნიშნული საგადასახადო კომისიების თვითეთულ წევრს დაენიშნება თითო მოადგილე მისი მაგიერობის გასაწევად მის არყოფნის დროს.

III. საგადასახადო კომისიის წევრები გადამხდელთაგან დაინიშნებიან ერთი წლის ვადით, ხოლო დაწესებულებათა და ორგანიზაციათა წარმომადგენელნი ითვლებიან კომისიაში, ვიდრე მიმავლინებელი დაწესებულება თუ ორგანიზაცია უკან არ გაიწვევს მათ.

IV. საგადასახადო კომისიის სხდოვაში მონაწილეობას იღებენ იმ გადასახადის გადამხდელთა და იმ საწარმოთა კატეგორიის წარმომადგენელი, რომელთაც განსახილველი საქმე შეეხება.

ამიერკავკასიის ცენტრალური აღმასრულებელი
კომიტეტის თავმჯდომარე მ. ცხაკაია.

ა/კსფსრ სახალხო კომისართა საბჭოს
თავმჯდომარის მოადგილე ს. ამბარცუშიანი.

ამიერკავკასიის ცენტრალური აღმასრულებელი
კომიტეტის მდივანი ს. იაკუბოვი.

1928 წ. ნოემბრის 19. ტფილისი-სასახლე.

გამოქვეყნებულია „ზარია-ვოსტოკა“-ს 292 №-ში 1928 წ. დეკემბრის 19-ს.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

255. სამხედრო და საზღვაო საქმეთა სახალხო კომისარიატის ორგანოებისათვის მიკუთვნებული საცხოვრებელი სახლებიდან ადმინისტრაციული წესით გამოსახლების შესახებ.

რათა წარმატებით განხორციელებულ იქნეს ღონისძიებანი იმ საბინაო კრიზისის თავიდან ასაცილებლად, რასაც მუშათა და გლეხთა წითელი არმიის მეთაურთა შედგენილობა განიცდის, და თანახმად სსრკ ცენტრალური აღმასრულებელი კომიტეტისა და სახალხო კომისართა საბჭოს 1928 წ. თებერვლის 15-ს დადგენილებისა „სამხედრო და საზღვაო საქმეთა სახალხო კომისარიატის ორგანოებისათვის—მათდამი მიკუთვნებული სახლებიდან—ადმინისტრაციული წესით გამოსახლების უფლების მინიჭების შესახებ“ (სსრკ კან. კრ. 1928 წ. მე-13 №-რი, მუხ. 110), ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

1. ადმინისტრაციული წესით სადგომებიდან მოქალაქეთა გამოსახლების შესახებ ა/კსფსრ ტერიტორიაზე მომქმედ კანონდებულებათა დამატებად—სამხედრო და საზღვაო საქმეთა სახალხო კომისარიატის ორგანოებს მიეცეთ უფლება სამხედრო და საზღვაო საქმეთა სახალხო კომისარიატის ორგანოებისათვის მიკუთვნებული სახლებიდან მოქალაქეთა ადმინისტრაციული წესით გამოსახლებისა იმ აუცილებელი პირობით, რომ გამოსახლებულ პირს მიეცეს ბინა, რომლის საცხოვრებელი სივრცე არ უნდა იყოს იმ ადგილას არსებულ ფაქტიურ ნორმაზე ნაკლები.

შენიშვნა. მშრომელთა კატეგორიის გამოსასახლებელ პირს, ბინის გარდა, უნდა მიეცეს აგრეთვე სატრანსპორტო საშუალება.

2. გამოსასახლებელ პირთათვის საჭირო საცხოვრებელ სივრცეს გამოპყოფს ადგილობრივი საბჭო აღმასრულებელი კომიტეტის კომუნალური ფონდის სივრციდან.

შენიშვნა. სამხედრო და საზღვაო საქმეთა სახალხო კომისარიატის ორგანო შეიტანს ადგილობრივ საბჭოში წინასწარ განცხადებას, რაც დაკმაყოფილებულ უნდა იქნეს ერთი თვის ვადაზე.

3. გამოსახლებას მოახდენს მილიციის ორგანო სამხედრო და საზღვაო საქმეთა სახალხო კომისარიატის სახლების გამგე ორგანოს სათანადო განცხადების მიხედვით.

ამიერკავკასიის ცენტრალური აღმასრულებელი კომიტეტის თავმჯდომარე **ს. კასიანი.**

ა/კსფსრ სახალხო კომისართა საბჭოს თავმჯდომარის მოადგილე **ს. ამბარცუმიანი.**

ამიერკავკასიის ცენტრალური აღმასრულებელი კომიტეტის მდივანი **ა. შავერდოვი.**

1928 წ. დეკემბრის 17. ტფილისი — სასახლე.

გამოქვეყნებულია „ზარია ვოსტოკა“-ს 294 №-ში 1928 წ. დეკემბრის 21-ს.

დადგენილება № 160 ა/კსფსრ შრომის სახალხო კომისარიატისა.

1928 წ. დეკემბრის 19.

256. უქმი-დღეებისა და დასვენების განსაკუთრებული დღეების შესახებ.

შრომის კანონთა კოდექსის 111, 112 და 113 მუხლების თანახმად ა/კსფსრ შრომის სახალხო კომისარიატი ადგენს:

1. მიღებულ იქნეს სავალდებულოდ ა/კსფსრ ტერიტორიაზე შეფარდება შემდეგი:

ა. უქმი-დღეებისა: ა) იანვრის 1-სა—ახალი წელი; ბ) იანვრის 22-სა—1905 წ. ნოემბრის 9-ს ხსოვნისა და ვ. ი. ლენინის (ულიანოვის) ხსოვნის დღე; გ) მარტის 12-სა—თვითმპყრობელობის დამხობა; დ) მარტის 18-სა—პარიზის კომუნის დღე; ე) მაისის 1-ლისა და მე-2-სა ინტერნაციონალის დღეები; ვ) ნოემბრის 7 და 8-სა—პროლეტარული როვოლიუციის დღეები; ზ) ა/კსფსრ შედგენილობაში შემავალ რესპუბლიკებში საბჭოთა ხელისუფლების დამყარების წლის თავი: აპრილის 28—აზერბაიჯანის ტერიტორიაზე; ნოემბრის 29—სომხეთის ტერიტორიაზე; თებერვლის 25—საქართველოს ტერიტორიაზე.


ბ. არასამუშაო დღეებისა—სექტემბრის 20-სა—ბაქოს 26 კომისრის ხსოვნის დღე.

2. დასვენების დანარჩენ განსაკუთრებულ დღეებს, რიცხვით ოთხს, დააწესებენ ყოველი წლისთვის ცალკე ა/კსფსრ შედგენილობაში შემავალი რესპუბლიკების შრომის სახალხო კომისარიატები, რესპუბლიკანურ პროფესიონალურ კავშირთა საბჭოებთან შეთანხმებით, ადგილობრივი პირობებისა, მოსახლეობის შედგენილობისა, ხალხის ღლესასწაულისა და სხვ. მიხედვით.

3. 1-ლ მუხლში აღნიშნული დღეების წინა დღეებში, ბაქოს 26 კომისრის ხსოვნის დღის (სექტემბრის 20) გამოკლებით, სამუშაო დღე არ უნდა აღემატებოდეს 6 საათს, ხოლო მე-2 მუხლში აღნიშნული დღეებისა და ბაქოს 26 კომისრის ხსოვნის დღის (სექტემბრის 20) წინა დღეებში სამუშაო დღე არ შემოკლდება.

4. უქმესა და დასვენების განსაკუთრებულ დღეს მუშაობა უნდა სწარმოებდეს შეუწყვეტილად შემდეგ საწარმოში: წყალსადენში, ელექტროსადგურში, საავადმყოფოში, მორივე ამბულატორიასა და აფთიაქში, ტელეგრაფში, ტელეფონში, სახანძარო რაზმში და აგრეთვე ყველა იმ საწარმოში, რომლის გაჩერებაც, მისი მუშაობის ხასიათის მიხედვით, არ შეიძლება.

5. უქმეები: საერთაშორისო ახალგაზრდობის დღე და ძირითადი კანონის (სსრკ კონსტიტუცია) მიღების დღე იღლესასწაულება უახლოეს კვირადღეს; ამასთანავე, საერთაშორისო ახალგაზრდობის დღე იღლესასწაულება სექტემბრის პირველ კვირადღეს, ხოლო სსრკ კონსტიტუციის მიღების დღე—ივლისის პირველ კვირადღეს.



შენიშვნა. ა/კსფსრ-ის იმ ადგილებში, სადაც ყოველკვირეული დასვენების დღედ პარასკევი ითვლება, აღნიშნული დღესასწაულები გადაიტანება სათანადო თვის პირველი პარასკევისათვის.

6. უკეთუ სასყიდელი თვიურად გაიცემა, არავითარი გამოკლება თვიური გასამრჯელოდან უქმეებისა და დასვენების განსაკუთრებული დღეებისათვის (1 და 2 მუხ.), აგრეთვე უქმისა და ყოველკვირეული დასვენების დღის წინა დღეების ორი საშელავათო საათისათვის არ შეიძლება.

7. უკეთუ სასყიდელი დღიურად გაიცემა, ყოველკვირეული დასვენების დღისა და უქმის წინა დღეს სასყიდელი შემოკლებული სამუშაო დროისათვის გაიცემა სრული დღიური განაკვეთით, გარეშე ყოველგვარი გამოკლებისა ორი საშელავათო საათისათვის.

8. უქმისა და ყოველკვირეული დასვენების დღის წინა დღეების საშელავათო საათებისათვის (შრ. კან. კოდ. 109 და 111 მუხ.) სასყიდლის გაცემისა და ანგარიშის გასწორების წესი იმათთვის, ვინც ნაქრობით მუშაობს ან სასყიდელს საათობით იღებს, განისაზღვრება კოლექტიურ და შრომის ხელშეკრულებაში.

უკეთუ ეს სასყიდლის ზედნართი მოთავსებულია ნაქრობითი შენაფასში ან სატარიფო განაკვეთში, ამაზე ნათქვამი უნდა იყოს კოლექტიურ ან შრომის ხელშეკრულებაში.

9. გასამრჯელოს რაოდენობა ყოველკვირეული დასვენების დღეს, დასვენების განსაკუთრებულ დღეს და უქმე-დღეს მუშაობისათვის არ შეიძლება იყოს ნორმალური გასამრჯელოს ორმაგ რაოდენობაზე ნაკლები. ყოველკვირეული დასვენების დღისა და უქმე-დღის წინა დღეს საშელავათო საათებში მუშაობისათვის სასყიდელი გაიცემა არა ნაკლებ ნორმალური გასამრჯელოს ერთიდანახევრის რაოდენობისა.

10. უკეთუ ყოველკვირეული დასვენების დღეს და უქმე-დღეს მუშაობისათვის მშრომელს დასასვენებლად 42 საათი მიეცა იმავე კვირის შემდეგ დღეებში, ან დასვენების განსაკუთრებული დღე შეეცვალა სხვა გამრსასვლელი დღით, სასყიდელი მიეცემა ერთმაგი რაოდენობით.

საშელავათო საათების სასყიდლის ზედნართის ნაცვლად იმავე კვირის შემდეგ დღეებში დასვენებისათვის სათანადო საათების მიცემა, — უკეთუ დაცულ არ იქნება ყოველკვირეული, 42 საათის განმავლობაში შეუწყვეტელი დასვენება და უქმე-დღის განმავლობაში შეუწყვეტელი დასვენება, — არ შეიძლება.

11. ა/კსფსრ ტერიტორიაზე მომქმედ სატრანსპორტო საწარმოზე ვრცელდება დასვენების განსაკუთრებული დღეები (ამა დადგენილების მე-2 მუხ.), რასაც დააწესებს ა/კსფსრ შედგენილობაში შემავალი სათანადო რესპუბლიკის შრომის სახალხო კომისარიატი, საწარმოს სამყოფელი ადგილის მიხედვით.

12. ამა დადგენილების გამოცემისთანავე ძალადაკარგულად ჩაითვალოს ა/კსფსრ შრომის სახალხო კომისარიატის 1926 წ. თებერვლის 15-ს თარიღისა და მე-11 №-ის დადგენილება „უქმი და დასვენების განსაკუთრებული დღეების შესახებ“ (გამოქვ. „შრომის კანონ. ვესტნ.“-ის მე-3 №-ში 1926 წ.).

13. წინადადება მიეცეს ა/კსფსრ შედგენილობაში შემავალი რესპუბლიკე-

ბის შრომის სახალხო კომისარიატებს გამოაქვეყნონ იმ თავიანთი დადგენილებების ნუსხა, რომელთაც დაჰკარგეს ძალა ამა დადგენილების გამოცემის გამო.

ა/კსფსრ შრომის სახალხო კომისარი **იაშვილი**.

ა/კ. შრ. სახ. კ-ტის საერთო-საორგ. განყ. გამგე **ათაბეკოვი**.

შეთანხმებულია ა/კ. პროფ. კავშირთა

საბჭოსთან: **შეფტელი**.

გამოქვეყნებულია „ზარია ვოსტოკა“-ს 295 №-ში 1928 წ. დეკემბრის 22-ს.

ბანმარტება № 7 ა/კსფსრ შრომის სახალხო კომისარიატისა.

1928 წ. დეკემბრის 19.

257 შრომის კანონთა კოდექსის 47 მუხ. „გ“ და „დ“ პუნქტების მიხედვით დათხოვნის შესახებ.

რათა დამყარებულ იქნეს თანაბარი პრაქტიკა იმ საქმეთათვის, რომლებიც შეეხება მშრომელთა დათხოვნას შრომის კანონთა კოდექსის 47 მუხ. „გ“ და „დ“ პუნქტებისა და სსრკ ცენტრალური აღმასრულებელი კომიტეტისა და სახალხო კოიისართა საბჭოს მიერ „მომრიგებელ-სამედიატორო და სასამართლო წესით შრომის კონფლიქტების განხილვის შესახებ“ 1928 წ. აგვისტოს 29-ს დადგენილებით დამტკიცებული წესების მე-12 მუხ. „გ“ პუნ. თანახმად, ა/კსფსრ შრომის სახალხო კომისარიატი განმარტავს:

1. შრომის კოდექსის 47 მუხ. „გ“ და „დ“ პუნქტების მიხედვით მშრომელთა დათხოვნის საქმეებისათვის შრომის კანონთა კოდექსის 47 მუხლის 1-ლი შენიშვნის შეფარდება სავალდებულოა.

2. შრომის კანონთა კოდექსის 47 მუხ. „გ“ და „დ“ პუნქტების მიხედვით და მომრიგებელ-სამედიატორო და სასამართლო წესით კონფლიქტების განხილვის წესების მე-12 მუხლის „გ“ პუნ. თანახმად მშრომელთა დათხოვნა შეიძლება მხოლოდ მას შემდეგ, უკეთუ დამქირავებლის მიერ საკითხი ერთ-ერთი აღნიშნული პუნქტის მიხედვით მშრომელის დათხოვნის თაობაზე შეტანილია განსახილველად შემფასებელ-საკონფლიქტო კომისიაში და ამ კომისიაში მიღწეულია შეთანხმება დათხოვნის შესახებ.

3. უკეთუ დამქირავებელმა მშრომელი დაითხოვა შრომის კანონთა კოდექსის 47 მუხ. „გ“ და „დ“ პუნქტების თანახმად, ხოლო შრომის კანონთა კოდექსის 47 მუხ. 1-ლი შენიშვნის დარღვევით, ე. ი. არ მიმართა შემფასებელ-საკონფლიქტო კომისიას და არ მიიღო მისგან სანქცია დათხოვნის შესახებ, ან მიმართა შემფასებელ-საკონფლიქტო კომისიას, მაგრამ მშრომელი დაითხოვა სანქციის მიუღებლად, — ამ შემთხვევაში, ვინაცოცხა მშრომელი მიმართავს შემ-

ფასებელ-საკონფლიქტო კომისიას ან შრომის სასამართლოს—თანამდებობაზე აღდგენის შესახებ,—საკითხი შეიძლება აღძრულ იქნეს მხოლოდ მშრომელის უკანონოდ დათხოვნის შესახებ და უკანონო დათხოვნაში დამნაშავე დამკირავებლის წინააღმდეგ აღძრულ უნდა იქნეს დევნა სისხლის სამართლის წესით.

ა/კსფსრ შრომის სახალხო კომისარი იაშვილი.

• ა/კსფსრ შრ. სახ. კ-ტის კოლეგიის წევრი და
სატარიფო-საკონფლ. განუ. გამგე სიზოტენკო.

შეთანხმებულია ა/კ. პროფ. კავშირთა საბჭოსთან: ოდილავაძე.

გამოქვეყნებულია „ზარია ვოსტოკა“-ს 298 №-ში 1928 წ. დეკემბრის 26-ს.

დადგენილება ამიერკავკასიის ცენტრალური აღმასრულებელი კომიტეტისა.

258. ტფილისის საქალაქო საბჭოს კომუნალური სექციისათვის პრემიის მიცემის შესახებ.

ამიერკავკასიის ცენტრალური აღმასრულებელი კომიტეტი გაეცნო საქართველოს სსრ-ის ცენტრალური აღმასრულებელი კომიტეტის მასალას—საქალაქო საბჭოების საუკეთესო სექციისათვის 1928 წელს ჩატარებული საკონკურსო კამპანიის შედეგების შესახებ—და სამართლიანად მიაჩნია საქართველოს ცენტრალური აღმასრულებელი კომიტეტის გადაწყვეტილება—ტფილისის საქალაქო საბჭოს კომუნალური სექციის გამოყოფის შესახებ, როგორც საუკეთესო და სამაგალითო სექციისა საქართველოს საქალაქო საბჭოთა სექციებს შორის. თავისი მხრით ამიერკავკასიის ცენტრალური აღმასრულებელი კომიტეტი საქართველოს სოფლის აღნიშნოს დასახელებული სექციის მუშაობაში შემდეგი მიღწევანი:

მთლად სექციის მუშაობას ხელმძღვანელობას უწევს სექციის ბიურო; ბიუროს შედგენილობა: დაზვის მუშა—9; მოსამსახურე—4; წითელარმიელი—1; ყველა მათ შორის 8 წევრია სრულიად საკავშირო კომუნ. პარტიისა (ბ).

სექციას ჰყავს რვა კომისია, რომელნიც მიჩენილ არიან კომუნალური განყოფილების ქვე-განყოფილებებისათვის: 1) სასაკლაო, 2) აბანოები, 3) წყალსადენი, 4) კანალიზაცია, 5) ტრამვაი, 6) ტფილისის ელექტრო-სადგურის სამმართველო, 7) ტფილისის სახალხო მამულების სამმართველო და 8) კეთილმოწყობის ქვე განყოფილება.

ამის გარდა, სექციას ჰყავს მილიციის სარაიონო კომისიები ქალ. ტფილისის სამილიციო რაიონების რიცხვის მიხედვით, რაც სრულიად ახალი რამ არის ა/კსფსრ საქალაქო საბჭოების მუშაობაში.

სექციამ მიუჩინა დიდ საქალაქო საწარმოთ 6 დეპუტატი და მოაწყო სადეპუტატო მაგიდები.

განსაკუთრებულ შემთხვევაში სექციის ბიურო გამოჰყოფს ხოლმე საქალაქო საბჭოს წევრთაგან საპეციალურ კომისიას სასწრაფო და მნიშვნელოვანი საკითხების გამოსაკვლევად.

კომუნალურ სექციაში შემავალი ზემოდ ჩამოთვლილი ორგანიზაციების მუშაობას აქვს გეგმაშეწონილი და სისტემატიური ხასიათი.

სექციისა და ქვე-სექციების ოქმები ისეთი ფორმით და ისეთი სისავსით არის წარმოდებული, რომ ამ ოქმებში, როგორც სარკეში, ისე გამოიხატება კომუნალური სექციის მთელი მუშაობა; ამასთანავე, განსაკუთრებულ ყურადღებას იქცევს ის გარემოება, რომ სექცია არა კმაყოფილდება თავისი მუშაობის მარტო ოქმებში აღნიშვნით და თვალყურს ადევნებს, ხორციელდება თუ არა და როგორ ხორციელდება მისი დირექტივები. ამის შედეგია, ის რომ 80 პროცენტით კომუნალური განყოფილების სექციის პრაქტიკული წინადადებისა ხორციელდება.

კომუნალური სექციის მუშაობა მიმდინარეობს გაძლიერებული ტემპით და დღე-მოდამ მეტი სიცოცხლე ეტყობა: მის მუშაობაში ებმიან სულ ახალ-ახალი ძალები მშრომელთა აქტივიდან საბჭოს არაწევრთაგან; ეს ძალები მზურვალე ინტერესით ეპყრობიან კომუნალური სექციის მუშაობას, მონაწილეობას იღებენ ამ მუშაობაში და ეხმარებიან მას იმ ნაკლთა ძირიანად აღმოსაფხვრელად, რაც კიდევ აქვს ქალაქის კომუნალურ მეურნეობას.

სექციაში სულ 600 წევრია, მათ შორის 400 საქალაქო საბჭოს წევრი; დანარჩენები საბჭოს არაწევრნი არიან, დაზვის მუშები.

სექციისა და ქვე-სექციების კრებებს ესწრება ყველა მონაწილეთა 90 პროცენტამდე; ამასთანავე, თვითეული მათგანი მარტო უბრალო მაყურებელი-კი არ არის, არამედ აქტიური მონაწილე სექციის მიერ აღძრული ყველა საკითხის შემუშავებაში, რაც აშკარად სჩანს იმ აუარებელი კითხვებიდან, რასაც ისინი კრებებზე იძლევიან, და აგრეთვე კამათში მონაწილეთა რიცხვიდან.

განსაკუთრებით აღსანიშნავია ქალთა მზურვალე მონაწილეობა კომუნალური სექციის მუშაობაში. ეს მონაწილეობა გამოიხატა 11,39 პროცენტით.

კომუნალური სექციის ინიციატივით, სხვათა შორის, წარმოებულა შემდეგი სამუშაო: ა) ქალაქის ბევრ განაპირა ადგილას გაყვანილია წყალსადენი, გაკეთებულია და გაწყობილი კანალიზაცია, ელექტრონით განათებულია მრავალი ქუჩა და სახლი; ბ) გაყვანილია ახალი და შეკეთებულია ძველი ქუჩები, რომლებიც წესიერად არის მოვლილი; გ) შეკეთებულია ქალაქის კუთვნილი სახლები და ქალაქის აბანოები, ნომრების რიცხვის გადიდებით; დ) ქალაქის განაპირა ადგილებში შენდება ტყეები, ბაღები, სკვერები; ე) დიდი ყურადღება აქვს მიქცეული მუშათა ბინების მშენებლობას; ვ) შემოღებულია ტრამვაიზე შეღავათიანი ტარიფი მუშებისა და წითელარმიელებისათვის; ზ) მიღებულია ღონისძიება ტრამვაიზე შეღავათიანი ტარიფის შემოსაღებად უმაღლესი სასწავლებლების სტუდენტებისათვის, უმთავრესად მუშათაგან და ზოგიერთი მათგანისათვის უფასო ბილეთების დასარიგებლად; თ) მიღებულია ღონისძიება განაპირა ადგილებში მოქალაქეთაგან სააღნაგოდ მიწის ნაკვეთების თვითნებისად მითვისების საკითხის მოსაწესრიგებლად, რისთვისაც იმართება მოქალაქეთა მასიური კრებები და ეძლე-

ვა მათ განმარტება, რომ ასეთი მოვლენა ყოველად მიუღებელია და შეუწყნარებელი; ი) კომუნალური სექციის მიერ მიცემულია წინადადება, რათა მიღებულ იქნეს სათანადო ღონისძიება განაპირა ადგილებში თავისუფალი მიწები დაგემილ და მსურველთათვის იჯარით გაცემულ იქნეს.

საჭიროა აღინიშნოს აგრეთვე კომუნალური სექციის მქედრო თანაშრომლობა საქალაქო საბჭოს სხვა სექციებთან და მისი ყოველდღიური მუშაობის პროცესში ზოგიერთი იმ საკითხების ნაკლის გამოაშკარაება, რაც სხვა სექციების კომპეტენციას შეადგენს.

სექციას სრულის სისწორით შეგნებული აქვს იმ როლის აზრი და მნიშვნელობა, რომლისათვისაც იგი მოწოდებულია ქალაქის კომუნალურ მეურნეობაში. სექციას გათვალისწინებული აქვს სწორე გზა თავისი მუშაობისა; იგი ხელს უწყობს კომუნალურ განყოფილებას ყველა იმ ნაკლის გამოსასწორებლად, რაც კომუნალურ მეურნეობაში მოიპოვება; იგი ინტერესს უღვიძებს ქალაქის მუშათა მასსებს კომუნალური საკითხებისადმი, იზიდავს მათ კომუნალურ მეშაობაში მონაწილეობის მისაღებად და აჩვენებს მათ აქტიურ და ორგანიზაციულ მოქმედებას.

აღნიშნავს-რა ტფილისის საქალაქო საბჭოს კომუნალური სექციის ნაყოფიერ მუშაობას, ამიერკავკასიის ცენტრალური აღმასრულებელი კომიტეტი მადლობას უცხადებს მთლად სექციის შედგენილობას და მის ხელმძღვანელთ სექციის ბიუროს სახით.

ამიერკავკასიის ცენტრალური აღმასრულებელი
 კომიტეტის თავმჯდომარე **ს. კახიანი.**

ამიერკავკასიის ცენტრალური აღმასრულებელი
 კომიტეტის მდივანი **ა. შავერდოვი.**

1928 წ. დეკემბრის 20. ტფილისი-სასახლე.

გამოქვეყნებულია „ზარია ვოსტოკა“-ს 299 №-ში 1928 წ. დეკემბრის 27-ს.

დადგენილება № 83 ა/კსფსრ სახალხო კომისართა საბჭოსი.

259. ა/კსფსრ-ში კოოპერაციისათვის გრძელვადიანი კრედიტის მისაცემად არსებული ფონდების დებულების შეცვლის შესახებ.

სსრკ ცენტრალური აღმასრულებელი კომიტეტისა და სახალხო კომისართა საბჭოს მიერ „კოოპერაციისათვის გრძელვადიანი კრედიტის მიცემის საფუძველთა შესახებ“ 1928 წლის აგვისტოს 10-ს თარიღით გამოცემული (სსრკ კან. კრ. 1928 წ. 52 №-რი, მუხ. 451) დადგენილების თანახმად—ა/კსფსრ სახალხო კომისართა საბჭო აღგენს:

„ა/კსფსრ-ში კოოპერაციისათვის გრძელვადიანი კრედიტის მისაცემად არსებული ფონდების 1928 წ. აპრილის 8-ს დებულების“ (ა/კსფსრ კან. კრ. 1928 წ.

მე-10 №-რი, მუხ. 113) მე-10 მუხლის „ა“ და „ბ“ პუნქტები შეიცვალოს და მიღებულ იქნეს შემდეგი რედაქციით:

ა) კოოპერატიული ცენტრებისა, კოოპერატივთა კავშირებისა (სასოფლო-სამეურნეო საკრედიტო კავშირების გამოკლებით), მუშათა ცენტრალური კოოპერატივებისა, საქალაქო და სატრანსპორტო სამომხმარებლო საზოგადოებების წმინდა მოგების სავალდებულო ყოველწლიური ანარიცხი არა ნაკლებ 5%-ს რაოდენობისა;

ბ) ქვედა ქსელის ისეთი კოოპერატივების (სასოფლო-სამეურნეო საკრედიტო ამხანაგობების გარდა) წმინდა მოგების ანარიცხი, რომელნიც „ა“ პუნქტში არ არიან აღნიშნულნი, უკეთეს ეს მოვალეობა დაეკისრებათ მათი გამაერთიანებელი კოოპერატიული ცენტრების დადგენილებით“.

„ა“ და „ბ“ პუნქტების შენიშვნა უცვლელად დარჩეს.

ა/კფსრ სახალხო კომისართა საბჭოს
თავმჯდომარის მოადგილე ს. ამბარცუმიანი.

ა/კფსრ სახალხო კომისართა საბჭოს
საქმეთა მმართველი ნ. ბახტაძე.

1928 წ. დეკემბრის 20. ტფილისი—სასახლე.

გამოქვეყნებულია „ზარია ვოსტოკა“-ს 300 №-ში 1928 წ. დეკემბრის 28-ს.

დადგენილება ამიერკავკასიის ცენტრალური აღმასრულებელი კომიტეტისა.

260. ამიერკავკასიის ცენტრალური აღმასრულებელი კომიტეტის მიერ „ადგილობრივ საჭიროებათა დაკმაყოფილების სფეროში გლენტა მოსახლეობის უფლებების თაობაზე“ 1927 წ. იანვრის 31 თარიღით გამოცემული დადგენილების გაუქმების შესახებ.

ამიერკავკასიის ცენტრალური აღმასრულებელი კომიტეტი ადგენს:

ამიერკავკასიის ცენტრალური აღმასრულებელი კომიტეტის 1927 წლის იანვრის 31-ს დადგენილება „ადგილობრივ საჭიროებათა დაკმაყოფილების სფეროში გლენტა უფლებების შესახებ“ (ა/კფსრ კან. კრ. 1927 წ. მე-3 №-რი, მუხ. 32) გაუქმებულ იქნეს.

ამიერკავკასიის ცენტრალური აღმასრულებელი
კომიტეტის თავმჯდომარე ს. კახიანი.

ამიერკავკასიის ცენტრალური აღმასრულებელი
კომიტეტის მდივანი ა. შავერდოვი.

1927 წ. დეკემბრის 17. ტფილისი-სასახლე.

გამოქვეყნებულია „ზარია ვოსტოკა“-ს 301 №-ში 1928 წ. დეკემბრის 29-ს.

**დადგენილება № 84 ა/კსფსრ სახალხო კომისართა
 საბჭოსი.**

**261. ა/კსფსრ ტერიტორიაზე 1928-29 საშენაწერო წელს წყლის
 გამოსაღების დაწესების შესახებ.**

სსრკ ცენტრალური აღმასრულებელი კომიტეტისა და სახალხო კომისართა საბჭოს 1928 წ. აგვისტოს 1-ს დადგენილებით (სსრკ კან. კრ. 1928 წ. 49 №-რი, მუხ. 435) „წყლის გამოსაღებისათვის“ დამტკიცებული დებულების თანახმად — ა/კსფსრ სახალხო კომისართა საბჭო ადგენს:

დაევალოს ა/კსფსრ შედგენილობაში შემავალი რესპუბლიკების სახალხო კომისართა საბჭოებს გამოსცენ დადგენილება წყლის გამოსაღების დაწესების შესახებ ზემოაღნიშნული დებულებისა და შემდეგი დირექტივების მიხედვით:

1. წყლის გამოსაღები გამოიანგარიშება და გადაჰხდება ქალაქებსა და საქალაქო ტიპის დასახლებულ ადგილებში, აგრეთვე სოფლად წყალმომქმედ საწარმოთ, რომელნიც ერთიანი სასოფლო-სამეურნეო გადასახადით არ იბეგრებიან, რკინის გზებსა და შინაური საჭიროებისათვის წყლის მოსარგებლეთ შემდეგ საფუძველზე:

ა) მიწის სხვადასხვა კატეგორიის ნაკვეთებისათვის — თვითეულ კვდრ. მეტრზე;

ბ) ადგილობრივი ტიპის წყალმომქმედ საწარმოთათვის — თვითეულ თვალზე, თვითეულ ვალცენზე ან წყვილ მორგვზე, რისთვისაც წარმოებულ უნდა იქნეს განაკვეთების დიფერენციაცია იმის მიხედვით, წყალი იმავე არხში ვარდება თუ სხვა არხში;

გ) საინჟინერო ტიპის წყალმომქმედ საწარმოთათვის — თვითეულ ძალაზე, რისთვისაც წარმოებულ უნდა იქნეს განაკვეთების დიფერენციაცია იმის მიხედვით, წყალი იმავე არხში ვარდება თუ სხვა არხში;

დ) რკინის გზისთვის და შინაური საჭიროებისათვის წყლის გამოყენებაზე — ამ მიზნებისათვის მოსახმარებელი წყლის აღნუსხვის ტექნიკური შესაძლებლობისა და ამგვარი წყალთსარგებლობის ადგილობრივ თავისებურებათა მიხედვით.

შენიშვნა. ადგილობრივი პირობების მიხედვით შეიძლება დამყარებულ იქნეს წყლის გამოსაღების გამოანგარიშებისა და გადახდევინების სხვა წესი „ა“, „ბ“ და „გ“ ლიტერებში აღნიშნული ობიექტებისათვის.

2. წყლის გამოსაღები ინდივიდუალურ მეურნეობებზე სოფლად ცალკეული ადმინისტრაციულ - ტერიტორიალური ერთეულისათვის ან ცალკეული წყლის სისტემისათვის განისაზღვრება წყლის გამოსაღების დებულების მე-7 მუხლის თანახმად.

3. ცალკეულ ადმინისტრაციულ-ტერიტორიალურ ერთეულთა შორის წყლის გამოსაღების საერთო კონტინგენტის განაწილების დროს საჭიროა ანგარიში

გაეწიოს იმ საექსპლოატაციო ხარჯების თანხებს, რაც ამ ერთეულებს ნამდვილად დაედებათ. ისეთი შესწორება, რაც გაადიდებს ან შეამცირებს წყლის გამოსაღების რაოდენობას, შეიძლება შეტანილ იქნეს იმის მიხედვით, თუ რამდენად შიშველი მოსახლეობის ნატურალური დაბეგვრა საირიგაციო საქმისათვის და, საერთოდ, ეკონომიურად რამდენად ძალოვანი და გადახდის უნარის მქონენი არიან უწყებულები რაიონის მეურნეობანი.

4. ა/კსფსრ შედგენილობაში შემავალი რესპუბლიკების სახალხო კომისართა საბჭოებს უფლება აქვთ დააწესონ წყლის კოლექტივებში (სამელიორაციო ამხანაგობანი და სხვ.) შემავალ მეურნეობათათვის წყლის გამოსაღების მონაკლებები იმის მიხედვით, თუ რა მონაწილეობას იღებს უწყებულები კოლექტივი მის მეურნეობრივ გამგებლობაში გადაცემული წყლის სისტემის ან ამ სისტემის ნაწილის საექსპლოატაციო ხარჯებში.

5. ა/კსფსრ შედგენილობაში შემავალი რესპუბლიკების სახალხო კომისართა საბჭოებს უფლება აქვთ გაანთავისუფლონ სრულიად ან ნაწილობრივ წყლის გამოსაღებისაგან მეურნეობათა და საწარმოთა ესა თუ ის კატეგორიები, იმ პირობით-კი, რომ წყლის გამოსაღების საერთო თანხამ უწყებულ რესპუბლიკაში სრულად დაჰფაროს წყლის გამოსაღების დებულების მე-2 მუხლით გათვალისწინებული ყველა საექსპლოატაციო ხარჯი.

6. წყლის გამოსაღების გადახდის უკიდურეს ვადად დაწესებულია 1929 წლის თებერვლის 15.

შენიშვნა. ა/კსფსრ შედგენილობაში შემავალი რესპუბლიკების სახალხო კომისართა საბჭოებს უფლება აქვთ დააწესონ სხვა ვადებიც, ხოლო არ-კი გააგრძელონ ამა მუხლში აღნიშნული ვადა.

7. ა/კსფსრ შედგენილობაში შემავალი რესპუბლიკების სახალხო კომისართა საბჭოები განსაზღვრავენ საჩივართა და შუამდგომლობათა შეტანის ვადებსა და განხილვის წესს წყლის გამოსაღების ზემოაღნიშნული დებულების მე-18 მუხლის დაცვით.

ა/კსფსრ სახალხო კომისართა საბჭოს
თავმჯდომარის მაგიერ **ნაზარეთიანი.**

ა/კსფსრ სახალხო კომისართა საბჭოს
საქმეთა მმართველი **ნ. ბახტაძე.**

1928 წ. დეკემბრის 27. ტფილისი—სასახლე.

გამოქვეყნებულია „ზარია ვოსტოკა“-ს 301 №-ში 1928 წ. დეკემბრის 29-ს

დადგენილება ამიერკავკასიის ცენტრალური აღმასრულებელი კომიტეტისა.

262. ამხ. ა. მ. ნაზარეთიანისათვის ა/კსფსრ სახალხო კომისართა საბჭოს თავმჯდომარის მოადგილის მოვალეობის აღსრულების დაკისრების შესახებ.

ამიერკავკასიის ცენტრალური აღმასრულებელი კომიტეტი ადგენს:

რადგანაც ა/კსფსრ სახალხო კომისართა საბჭოს თავმჯდომარე ამხ. შ. ელიავა და ა/კსფსრ სახალხო კომისართა საბჭოს თავმჯდომარის მოადგილე ამხ. მ. დ. ჰუსეინოვი გაემგზავრენ სსრკ ცენტრალური აღმასრულებელი კომიტეტის მე-IV სესიაზე და რადგანაც ა/კსფსრ სახალხო კომისართა საბჭოს თავმჯდომარის მოადგილე ამხ. ს. ი. ამბარცუმიანი ავად არის, — ა/კსფსრ სახალხო კომისართა საბჭოს თავმჯდომარის მოადგილის მოვალეობის დროებით აღსრულება დაეკისროს ა/კსფსრ მუშათა და გლეხთა ინსპექციის სახალხო კომისარს ამხ. ა. მ. ნაზარეთიანს.

ამიერკავკასიის ცენტრალური აღმასრულებელი
კომიტეტის თავმჯდომარე **ს. კახიანი.**

ამიერკავკასიის ცენტრალური აღმასრულებელი
კომიტეტის მდივანი **ა. შავერდოვი.**

1928 წ. დეკემბრის 20. ტფილისი-სასახლე.

გამოქვეყნებულია „ზარია ვოსტოკა“-ს 302 №-ში 1928 წ. დეკემბრის 30-ს.

დადგენილება № 155 ა/კსფსრ შრომის სახალხო კომისარიატისა.

1928 წ. დეკემბრის 3.

263. ა/კსფსრ შრომის სახალხო კომისარიატის მიერ „ანგარიშგანაწორების წიგნაკების თაობაზე“ 1924 წ. ივლისის 23-ს თარიღითა და 107 №-ით გამოცემული დადგენილების მე-6 მუხ. გაუქმების შესახებ.

ა/კსფსრ შრომის სახალხო კომისარიატი ადგენს:

ა/კსფსრ შრომის სახალხო კომისარიატის მიერ „ანგარიშგანაწორების წიგნაკების შესახებ“ 1924 წლის ივლისის 23-ს თარიღითა და 107 №-ით გამოცემული დადგენილების (შრომის მომქმედი კანონმდ. 1926 წ., გვ. 126) მე-6 მუხ. გაუქმებულ იქნეს.

ა/კსფსრ შრომის სახალხო კომისარის
მაგიერ, კოლეგიის წევრი **შახხუვარიანი.**

ა/კ. შრ. სახალხო კომისარიატის საერთო-
საორგ. განყოფ. გამგე **ათაბეკოვი.**

გამოქვეყნებულია „ზარია ვოსტოკა“-ს 280 №-ში 1928 წ. დეკემბრის 5-ს.

5. 27 მუხლს დაემატოს პუნქტი „გ¹“ შემდეგი შინაარსისა:

„გ¹) რესტორანებისა, სასადილოებისა, ლუდის დუქნებისა და სხვა ამგვარი საწარმოს გადასახადი (მუხ. 39¹)“.

6. ადგილობრივი ფინანსების დებულებას დაემატოს 39¹ მუხლი შემდეგი შინაარსისა:

„39¹) რესტორანებისა, სასადილოებისა, ლუდის დუქნებისა და სხვა ამგვარი საწარმოს გადასახადი გადახდენივალ უნდა იქნეს შემდეგი რაოდენობით:

ა) იმ საწარმოს, რომელიც გასცემს სპირტის სასმელს (არაყს, ღვინოს და ლუდს) ან საკმელს და რომელიც ვაჭრობას, სათანადო ადგილობრივი ორგანოს განსაკუთრებული ნებართვით, 22 საათის შემდეგ აწარმოებს,—ლუდის დუქნების გამოკლებით,—არა უმეტეს შენაწერი სახელმწიფო სარეწავი გადასახადის 60 პროცენტისა;

ბ) იმ საწარმოს, რომელიც გასცემს სპირტის სასმელს (არაყს, ღვინოს და ლუდს), ლუდის დუქნების გამოკლებით,—არა უმეტეს შენაწერი სახელმწიფო სარეწავი გადასახადის 30 პროცენტისა.

გ) ლუდის დუქანს—არა უმეტეს შენაწერი სახელმწიფო სარეწავი გადასახადის 15 პროცენტისა.

შენიშვნა. ქალ. ტფილისსა, ბაქოს, ერევანსა, ბათუმსა და სოხუმში ამა მუხლის „ა“ პუნქტით გათვალისწინებული გადასახადის რაოდენობა შეიძლება დაწესებულ იქნეს ყველა იმ საწარმოსათვის, რომელიც ვაჭრობას, სათანადო ადგილობრივი ორგანოს განსაკუთრებული ნებართვით, 22 საათზე გვიან აწარმოებს (გარდა ლუდის დუქნებისა, რომელთაც გადასახადი გადაჰხდებთ ამა მუხლის „გ“ პუნქტის წესისამებრ).

შენიშვნა 2. ამა მუხლის „გ“ პუნქტში აღნიშნულ ლუდის დუქნებს ეკუთვნიან ისეთი საწარმონი, რომელნიც გასცემენ იქვე ადგილობრივ დასალევად ლუდს, პორტერს, ელს და თაფლს, უკეთუ, ამასთანავე, არ მიიტანება რაიმე საკმელი, გარდა ცივად შესატანებელისა.

შენიშვნა 3. ამა მუხლით გათვალისწინებული გადასახადი არ გადაჰხდება იმ საწარმოთ, რომელნიც სახელმწიფო სარეწავი გადასახადით დაბეგრულ არიან ცენტრალიზებული წესით“.

7. 28 მუხლს დაემატომ პუნ. „ზ¹“ შემდეგი შინაარსისა:

„ზ¹) პროფესიონალურ კავშირთა და მათ შინაერთა კულტურულ-განმანათლებელი და სასპორტო დაწესებულებანი და აგრეთვე მათ მიერ გამართული საჯარო სანახაობა და შეჯიბრები“.

8. 31 მუხლს დაემატოს შენიშვნა შემდეგი შინაარსისა:

„**შენიშვნა.** ა/კსტესრ შედგენილობაში შემავალი რესპუბლიკების სახალხო კომისართა საბჭოებს უფლება აქვთ გაადიდონ გადასახადის განაკვეთის უკიდურესი რაოდენობა შენობის მატერიალური ღირებულების ნახევარ პროცენტამდე“.

9. 35 მუხლი და მისი 1-ლი შენიშვნა მიღებულ იქნეს შემდეგი რედაქციით:

„35. რკინის გზით მოზიდული და გაზიდული ტვირთის გადასახადის რაოდენობა არ უნდა აღემატებოდეს:

ა) სპეციალური ტარიფების სქემით გადასახიდ ტვირთისათვის—ხუთჯერადს;

ბ) საქონელ-ბაგაჟისა, სამგზავრო სისწრაფის ტვირთისა, სამგზავრო ბაგაჟისა და ნორმალური ტარიფის პირველი ოთხი კლასის ტვირთისათვის—ორმოცდაათჯერადს;

გ) ყველა სხვა ტვირთისათვის—ამა თუ იმ ტვირთის 1 კილომეტრის მანძილზე გავლისათვის არსებულ სატონნო, საცალო და სავაგონო დაწყებითი განაკვეთის ხუთმეტჯერად რაოდენობას იმ ტარიფისა, რაც შეეფარდება ამ გადაზიდვას; ხოლო იმ შემთხვევაში, როდესაც ტარიფი გამოიხატება მთელი გადაზიდვის მანძილის სასყიდლის სახით,—სათანადო საერთო ტარიფის დაწყებითი განაკვეთს.

შენიშვნა 1. იმ ტვირთის გადასახადის განაკვეთი, რაც 50 კილომეტრზე არა უდიდეს მანძილს გაივლის, არ უნდა აღემატებოდეს 15 პროცენტს, ხოლო იმ ტვირთისა, რაც გაივლის 51-დან 100 კილომეტრზე—30 პროცენტს იმ განაკვეთისა, რომელიც 100 კილომეტრზე მეტი მანძილის გასვლელ ტვირთისათვის არის დაწესებული“.

შენიშვნა მე-2 დარჩეს წინანდელი რედაქციით.

10. 35 მუხლს დაემატოს მე-3 შენიშვნა შემდეგი რედაქციით:

„**შენიშვნა 3.** ამა მუხლის „ა“ პუნქტით გათვალისწინებული ტარიფებით გადასახიდი ძირითადი საშენი მასალის გადასახადის რაოდენობა არ უნდა აღემატებოდეს ტარიფის ოთხჯერად განაკვეთს, ხოლო იმ ძირითადი საშენი მასალისათვის, რაც მიკუთვნებულია „გ“ პუნქტით გათვალისწინებულ ტვირთისათვის,—ტარიფის ათჯერად განაკვეთს. აღნიშნული საშენი მასალის სიას შეადგენს შრომისა და თავდაცვის საბჭოსთან არსებული მშენებლობის კომისია, სსრკ გზათა სახალხო კომისარიატთან, სსრკ ფინანსთა სახალხო კომისარიატთან და სსრკ სახალხო მეურნეობის უმაღლეს საბჭოსთან შეთანხმებით“.

11. 38 მუხლი მიღებულ იქნეს შემდეგი რედაქციით:

„38. რკინის გზებით და წყალსავალი გზებით მოზიდული და გაზიდული ტვირთის ადგილობრივი გადასახადის შემოსავალი მიიქცევა მარტოოდენ ადგილობრივი საგზაო მეურნეობისათვის (მუხ. 79)“.

12. 39 მუხლი (ა/კსფსრ კან. კრ. 1927 წ. მე-19 №-რი, მუხ. 218) მიღებულ იქნეს შემდეგი რედაქციით:

„39. საბირჟო გარიგების გადასახადის რაოდენობა არ უნდა აღემატებოდეს:

ა) საქონლის ბირჟაზე ქმნილი გარიგებისათვის—გარიგების თანხის 0,15⁰/₁₀₀-ს;

ბ) საფონდო ბირჟაზე და სასაქონლო ბირჟის საფონდო განყოფილებაში ქმნილი გარიგებისათვის—გარიგების თანხის 0,1⁰/₁₀₀-ს.“

1-ლი და მე-2 შენიშვნები დარჩეს წინანდელი რედაქციით.

13. 73 მუხლის „ა“ პუნ. მიღებულ იქნეს შემდეგი რედაქციით:

„ა) ადგილობრივ სახსარში შესული საერთო-სახელმწიფოებრივი შემოსავლისა და გადასახადების ანარიცხები, გარდა:

1) ერთიანი სასოფლო-სამეურნეო გადასახადის ანარიცხების იმ ნაწილისა, რაც სრულად მიქცეულ უნდა იქნეს საუბნო, სადაირო და სათემო ბიუჯეტებში;

2) სახელმწიფო სარეწავი გადასახადის ანარიცხების იმ ნაწილისა, რაც სრულად მიქცეულ უნდა იქნეს ქალაქებისა და ქალაქის ტიპის დასახლებული ადგილების ბიუჯეტებში;

3) სახელმწიფო დაზღვევის ოპერაციებით მიღებული მოგების იმ ანარიცხებისა, რასაც მიზნობრივი დანიშნულება აქვს“.

14. 79 მუხლი მიღებულ იქნეს შემდეგი რედაქციით:

„79. საგზაო ფონდები განიყოფება რესპუბლიკანურ და ადგილობრივ ფონდებად; ამ ფონდების მიზანია ადგილობრივი საგზაო მეურნეობის დაფინანსება. აღნიშნული ფონდების შექმნისა და ხარჯვის წესი განისაზღვრება ა/კსტსრ შედგენილობაში შემავალი რესპუბლიკების კანონმდებლობით; ამასთანავე, რესპუბლიკანურ საგზაო ფონდში მიიქცევა ა/კსტსრ შედგენილობაში შემავალ სათანადო რესპუბლიკის ტერიტორიაზე რკინის გზებით და წყალსავალი გზებით შემოზიდული და გაზიდული ტვირთის ადგილობრივი გადასახადის შემოსავლის 25% და აგრეთვე რესპუბლიკანური სახელმწიფო ბიუჯეტით გადადებული სპეციალური ასიგნებები“.

ამიერკავკასიის ცენტრალური აღმასრულებელი

კომიტეტის თავმჯდომარე ს. კახიანი.

ა/კსტსრ სახალხო კომისართა საბჭოს თავმჯდომარე შ. ელიავა.

ამიერკავკასიის ცენტრალური აღმასრულებელი

კომიტეტის მდივანი ა. შავერდოვი.

1928 წ. დეკემბრის 17 ტფილისი-სასახლე.

